

quentes sunt ferri minera, & iuxta Athesim in loco qui uocatur Schuatz uberrime sunt argētifodine, ex quibus annuatim ingens uis eruitur argenti. Irrigatur terra ipsa plurimis piscosis amnibus, qui omnes in Danubium exoneratur, augentq; illum mirum in modum. Habuit præterea Bauaria à multo tempore proprium ducem, qui & tempore Ottonis imperatoris tertij numeratus est inter quatuor duces imperij. Colligitur etiam ex historijs Bauariam ante Christum natum & aliquādiu post eius natiuitatem habuisse regem, sicut Iulius Cæsar scribit, Ariouistum Alemāorum regem uxorem duxisse, sororem regis Norici. Inuenitur quoq; Garibaldum regem Bauarię tradidisse filiam suam Theodelindā in coniugē regi Lombardię. Postea anno Christi 612. fuit Teudo dux in Bauaria, & hic baptisatus est à sancto Ruperto episcopo Vuormaciensi, qui & postea episcop. fuit Saltzburgēsis. Transactis deinde aliquot annis, ducatus Bauarię peruenit ad Caroli magni posteros, qui præfuerunt Bauarię usq; ad imperatorē Arnolphum, qui anno Christi 889. extruxit in Bauaria inter Monacum & Ingolstadtium burgū nomine Schyern, cui præfecit Comitem palatinum. Ab isto Arnolfo & posteris eius peruenit ducatus Bauarię mediante muliebri prole ad duces Saxoniz. Alij asserunt Ottonē imperatorem anno Christi 947. ducatum Bauarię tradidisse fratri suo Henrico Saxoni, qui auus fuit sancti Henrici imperatoris. Cūq; sanctus iste Hēricus sine herede decederet, cōtendebant comites à Schyern pro ducatu Bauarię, uerum nihil efficere potuerunt, cum ducatus fluctuaret iam sub Saxonibus, iam sub Marchionibus Austriaz, & iam sub Vuelpis Sueuię usq; ad annū Christi 1156. Quo tempore imperator Fridericus dedit hunc ducatū Henrico duci Saxonum, sublimauitq; Marchionem Austriaz in ducē, adiiciens prouincię eius aliquos comitatus ex ducatu Bauarię. Postea anno Christi 1180. rursus exclusit imperator hunc Henricū ob superbiam eius ab utroq; ducatu, factusq; est Otto comes à Schyern & comes Palatinus à Vuitelspach, dux Bauarię, & ab illo descēderunt omnes duces Bauarię & Palatini Rheni, qui ab eo tempore usq; nūc nati sunt. Iste Otto genuit Ludouicū, Ludouicus aliū genuit Ludouicū, & is duos habuit filios, nēpe Rudolphum & Ludouicū: Rudolfo pater dedit Palatinatū Rheni & Ludouicū fecit successorē in ducatu Bauarię. A Rudolfo descēderūt moderni principes Palatini, ut in tabula Rheni III. ostēdi. Porro Ludouicus factus est imperator, & inter multos filios duo illi successerūt in ducatu, Stephanus & Albertus. Albertus fixit sedē in Straubingē, defecitq; linea eius in filijs eius. Stephanus diuisit in senectute sua ducatū trib. filijs suis, nēpe Stephano, Friderico & Ioāni. Stephani linea defecit in filijs eius. Fridericus uero, cui sorte obuenerat Landshuta, genuit Henricum, Henricus genuit Ludouicum, Ludouicus habuit unum filium, nempe Georgium, qui cognominatur dux diues à Landshut, & filiā Margaretā, quam duxit Philippus Palatinus. Et cum hic Georgius moreretur sine liberis exortum est temporibus nostris horrendum bellum Bauaricum. Porro dux Iohannes à Monaco genuit Ernestum, Ernestus genuit Albetum, Albetus genuit alium Albertum aliosq; filios, Albertus genuit Vuilhelmū & Ludouicum qui isto tempore Bauarię præfunt.